

ERA CRASTA

Numerò 56 · gèr - hereuèr 2007

Impresi sense adreça

352 | 597-40

Plen der Ajuntament de Vielha e Mijaran

En Plen der Ajuntament de Vielha e Mijaran, celebrat eth dia 22 de deseme de 2006, s'aprovèn entre d'auti es ahèrs que seguissen:

APROBACION DETH PRESSUPÒST RESUM D'INGRÈSSI PER CAPÍTOLS

CAPÍTOL 1 Impòsti dirèctes	2.026.742,00
CAPÍTOL 2 Impòsti indidirectes	206.251,00
CAPÍTOL 3 Taxes i d'auti ingrèssi	703.101,23
CAPÍTOL 4 Transferències correntes	1.224.719,48
CAPÍTOL 5 Ingrèssi patrimonius	117.624,18
CAPÍTOL 7 Transferències de capitau	829.526,99
CAPÍTOL 8 Actius financers	2.000,00

TOTAL PRESSUPÒST D'INGRESSI 5.109.964,88

RESUM DE DESPENES PER CAPÍTOLS

CAPÍTOL 1 Despenes de personau	1.634.902,31
CAPÍTOL 2 Despenes en bens correnti e servicis	1.725.333,61
CAPÍTOL 3 Despena financèra	155.620,24
CAPÍTOL 4 Transferències correntes	510.212,08
CAPÍTOL 6 Inversions reaus	1.003.783,67
CAPÍTOL 8 Actius financers	2.000,00
CAPÍTOL 9 Passius financers	78.112,97

TOTAL PRESSUPÒST DE DESPENES 5.109.964,88

CONCORS TATH MINJADOR DERA ESCÒLA MAIRAU

Aprobacion deth plec de condicions que regiran era adjudicacion peth procediment dubèrt, mejançant concors public deth servici de minjador entara Escòla Mairau de Vielha pendent er an 2007.

MODIFICACION DE NORMES

Aprobacion iníciau dera modificacion num 58 des Normes Subsidiàries e Complementàries de Planejament dera Val d'Aran en sòn paragraf num. 4, tanhent ara profunditat dera planta soterranh entà us de parcatge.

Aguesta modificacion tanh a tot eth municipi de Vielha e Mijaran en aqueri solars enes quaus eth tipe d'ordenacion sigue alinhacion ath viader.

Er objècte dera modificacion ei era de crear mès places de parcatges en aqueres zònes que mès ac an de besonh, coma ei eth cas de casc antic e ampliacion de casc.

"Era profunditat dera edificabla non ultrapassarà era distància de 15 m. mesuradi a compdar dera alinhacion a viader; o en sòn cas, des dera alinhacion forçada a façada, exceptat enes plantes soterranhes, enes quaus s'er ussatge ei exclusivament de parcatge aguesti 15 m. se poderàn ampliar enquiara profunditat deth solar. Açò serà possible tostemp que tot er increment dera edificacion sigue totaument soterranha. Es terrenes que queden liures d'edificacion per aplicacion dera règla anteriora, sonque poderàn destinar-se a uart, jardin o ben parcatge de veïculs ar aire liure."

ADESION ATH PLAN D'IMPLANTACION PROGRESSIVA (PIP)

Eth Departament de Salut dera Generalitat e eth Conselh Catalan der Espòrt, an signat un protocòu nomenat "Programa PIP", mejançant eth quau ei prevista era implantacion progressiva dera prescripcion d'activitat fisica ena atencion primària dera salut, integrat en "Plan integrat entara promocion dera salut mejançant era activitat fisica e era alimentacion saludabla"

Açò vò dèder qu'ei previst substituir quauqui des medicaments que se recèpten entà tractar cèrtes malauties, per activitats esportives qu'ajuden ath malaut (gimnastica, natacion, circuits entà hèr a pè, eca..).

Entà poder amiar entà dauant aguest projècte es ajuntaments pòder participar en aguest Plan, e per tant er Ajuntament de Vielha e Mijaran aprovèc en plen deth mes de deseme, signar un acòrd d'adesion ad aguest Plan. Entà amiar entà dauant aguest programa se contractarà a un tecnic esportiu, entà que hèsque eth seguiment des malauts, en tot crubar-les ua quòta d'accès ath programa.

SUMARI

1
Plen der Ajuntament de Vielha e Mijaran

2
Es Reis en Vielha e Mijaran
Enquèsta de Seguretat Publica de Catalonha

Urbanizacion integrat deth carrèr Major de Gausac

3
Nau servici d'Oncologia en Espitau Val d'Aran.

Calendari de Talhèrs entà cuedadores de persones depenentes

Fondacion Musèu Etnologic
Activitats deth Departament de Dinamizacion

4
Tempsada de Teatre
Club Esquí Val d'Aran
Hèsta de Magràs

Es Reis en Vielha e Mijaran



Foto: Ruiz

Eth dia 5 de gèr arribèren es Rei d'Orient en Municipi de Vielha e Mijaran, e ath delà dera visita tar Ajuntament, tanben anèren entara Residència de Sant Antòni entà portar-les diuèrsi presents as residents, e tanben deishèren quauque paquet ena Escòla Mairau de Vielha.

Es Rei d'Orient tanben sigueren ua estona ena sala deth pòble de Gausac e en cine de Vielha, entà que tota era mainadèra qu'atau ac volesse, les podesse anar a saludar e a parlar damb eri.

Fin finau, es Reis d'Orient, passèren pes cases entà repartir es presents a toti es mainatges e mainades deth municipi de Vielha e Mijaran.

Tot açò a estat possible gràcies ara collaboracion des Pompièrs d'Aran e de d'auti particulars, qu'ajudèren a qu'es Reis d'Orient podesen desplaçar-se peth nòste municipi sense cap de problèma.



Mès eth dia 20 de deseme ena tarde, es patges des reis anèren tath CEIP Garona de Vielha entà arremassar es cartes de toti es mainatges e mainades. Arribèren en elicotèr e aqui receberen es cartes des alumnes de P-3, P-4, P-5, 1èr e 2au. que heren ua representacion deth Neishement. Es patges, portèren un present entà cada mainatge. Aquest madeish dia tanben anèren entara Escòla Mairau de Vielha, e tanben les deishèren un present entà toti es mainatges e mainades.



Enquèsta de Seguretat Publica de Catalonha

A compdar deth mes de gèr, eth Departament d'Interior, Relacions Institucionaus e Participacion dera Generalitat de Catalonha, començarà a realizar es trabalhs corresponenti ara "IXau. Enquèsta de Seguretat Publica de Catalonha".

Aguesta enquèsta consistís en estudi periodic des experiéncias de victimizacion que s'an produït en Catalonha, era mesura des sentiments d'inseguretat e era arremassada des opinions des ciutadans en matèria de seguretat e policia.

En aguesta ocasion, a compdar deth mes de gèr e enquiara fin deth mes de març, se haràn lèu 14.000 entrevistes telefoniques, des quaus grana part, se pòden hèr as vesins d'aguest municipi.

Per aguest motiu, e entà que quinsevolh persona qu'age dobtes o ben volguen auer mès informacion e confirmar que se tracte d'ua enquèsta oficial e qu'es donades se mantieràn ena mès absoluta resèrva, podetz trucar tath telefon d'atencion ath ciutadan dera Generalitat de Catalonha 012.

Urbanizacion integrau deth carrèr Major de Gausac

Eth 18 de gèr, s'aprovèc eth plec de clausules administratiues particulars qu'an de regir era contractacion peth sistèma de subasta tramitat peth procediment dubèrt, dera execucion dera òbra "Urbanizacion integrau deth Carrèr Major de Gausac, 2au, fasa".

Eth pressupòst base de licitacion d'aguesta òbra serà de 212.534 + IVA inclodit.

Eth periode d'execucion serà de 4 mès, e eth plaç maxim de presentacion des aufèrtes serà eth 26au. dia naturau des de londeman ara publicacion der anonci en BOP. S'eth darrèr dia de presentacion ei dissabte ò hestèr, s'entenerà prorrogat enquiath següent dia abil.

Nau servici d'Oncologia en Espitau Val d'Aran

Ena Val d'Aran se pòden començar a diagnosticar, tractar e hèr un seguiment des pacients de càncer. A compdar dera concepcion d'"Espitau dubèrt e coordinat en hilat", er Espitau Val d'Aran de Vielha, a hèt un convèni damb er Espitau dera Santa Creu e Sant Pau de Barcelona entà desvolopar un plan d'atencion oncologica.

Açò vò dèder qu'er Espitau Val d'Aran, desvoloparà un ample programa enes sòns servicis e tanben represente qu'es pacients d'Aran malauti de càncer auràn ua atencion preferenta en Espitau de Sant Pau.

Aguest ei eth modèl impulsat peth Servici Aranés dera Salut (SAS), a traucers d'Aransalut e qu'a coma objectiu crear era dinamica d'un servici d'oncologia medicau pròpri, en tot incorporar un profesionau especialista, involucrant a tot eth personau der Espitau ena atencion oncologica e coordinar-se damb un des melhors centres d'atencion oncologica de Catalonha, qu'ei er Espitau Sant Pau de Barcelona.

Ei ua melhor assisténcia medicau ath pacient e ua atencion d'apropament, que puge era qualitat de vida pendent era malautia, autant ath pacient coma ath sòn entorn familiar.

Eth Plan d'atencion oncologica dera Val d'Aran, s'anarà implantant progressivament en cinc fases:

- Un programa de diagnostic e tractament rapid des pacients aranesi (singularament sus eth càncer de paumon, eth de popa o mamari e eth de colorectau.
- Tractament e seguiment des pacients oncologics d'Aran en Espitau Val d'Aran.
- Programa de formacion e escambi de personau medicau e d'infermeria der Espitau Val d'Aran.
- Creacion d'un registre Prospectiu de Tumors d'Aran, e parallèlament, mantier un registre des tumors diagnosticadi prealablament en inici deth registre.
- Creacion e metuda en foncionament d'un Comitè de Tumors der Espitau Val d'Aran.

Calendari de Talhèrs entà cuedadores de persones depenentes

Eth departament de Dinamizacion der Ajuntament de Vielha e Mijaran organize talhèrs entà cuedadores de persones depenentes.

Serà en Espaci Joen dera Av. Pas d'Arró de Vielha e er orari de 20,00 a 21,30 es dimarts e dijaus.

Es activitats que s'amiaràn entà dauant seràn es que seguissen:

Pediatria: Immaculada Caubet. Eth 8, 13 e 15 de hereuèr

Pedagogia: Paloma Zavala. Er 1 e 16 de hereuèr.

Drets e obligacions laboraus: Carmen Naranjo. Eth 20,22,27 de hereuèr e 1 de març.

Geriatría: Mari Àngeles Ariño e Rosa Girona. Er 1,6,8 e 13 de març.

Breu istòria dera Val d'Aran: Paloma Zavala. Eth 20 de Març.

Conclusions: Nora Muntanola e Paloma Zavala. Eth 20,22,27 e 29 de març.

Totes aqueres persones que se dediquen ara activitat de cuedar persones depenentes, o ben que sigue deth sòn interès assistir entà quauqua d'aguestes activitats, podetz contactar damb er Ajuntament de Vielha e Mijaran trucant tath 973640018 (Nora), o ben enes burèus der ajuntament.

Fondacion Musèu Etnologic



Era Fondacion Musèu Etnologic dera Val d'Aran organizèc ua conferéncia, entà hestèjar eth centenari dera publicacion dera guida sus era Val d'Aran, publicada per Juli Soler Santaló en

1906 dempús de dètz ans de recórrer eth país.

Era conferéncia siguec aufrida peth ex-president deth Centre Excursionista de Catalunya Josep Maria Sala, que recorrec era vida e òbra der autor. Era sala d'actes der Ajuntament s'auie guarnit entara ocasion damb fotografies

dera Val d'Aran hètes ena epòca per Juli Soler e Santaló amassa damb d'autes hètes per Josep Ma. Sala e Ton Abel, er an 2004, enes madeishi endrets, que permetien de hèr-ne era comparança passadi cent ans.

Damb aguest acte, era Fondacion volec vantar era importància dera guida sus era Val d'Aran de Juli Soler Santaló, un tèxte de 400 planes plan complèt sus eth territòri aranes. Era publicacion dera guida permetec hèr a acréisher eth coneishement dera Val d'Aran en Catalonha e coma arreconeishença es pòbles dera Val nomentèren a Juli Soler Santaló coma hilh predilecte.

Damb aguesta celebracion era Fondacion Musèu Etnologic volec hèr un aumenatge a Juli Soler Santaló pera sua contribucion a difóner eth país, en tot legar-mos ath delà ues fotografies excepcionaus deth madeish, qu'encara aué non an estat superades.

Activitats deth Departament de Dinamizacion

Es activitats qu'actuaument organize eth Departament de Dinamizacion der Ajuntament de Vielha e Mijaran son:

Talhèr de Circ. Dimèrcles de 18 a 20 or.

Talhèr de Sons deth Mon: Dimarts de 18 a 20 or.

Talhèrs d'Escultura: Dijaus de 18 a 20 or.

Classes de Castelhan entà extrangèrs:

Nivèu principiants:

- Dimars de 21 a 22,30 / Dimèrcles de 18 a 19,30/ Dijaus de 21 a 22,30.

Nivèu auançadi:

- Dimèrcles de 21 a 22,30.

Toti aqueri que sigatz interessadi en aguestes activitats podetz auer informacion o ben apuntar-vos en Ajuntament de Vielha e Mijaran. Tlf. 973640018 (Nora)

Tempsada de Teatre

Er Ajuntament de Vielha e Mijaran, e era Associacion Aran Teatre, an premanit era naua sason de teatre tàs pròpèls mesi.

Auràn lòc coma tostemp en cine de Vielha, e seràn es prumèrs dijaus de cada mes, tàs 10 deth ser.

Es entrades e abonaments se poderàn comprar per auança enes oficines de torisme de Vielha e de Les e en burèu deth Grèmi d'Ostalària dera Val d'Aran, e eth madeish dia dera actuacion.

Club Esquí Val d'Aran

Era dimenjada deth 13 de gèr, eth Club Esquí Val d'Aran, participèc en dues competicions ena categoria alevina e infantila, en tot arténher uns plan boni resultats, un totau de 6 podiums per part des alevins.

Es resultats artenhudi sigueren:

Ena competicion alevin "Trofeg Floquet de Neu"

Alevin I Hemnes 3au. Marta Llinás

Alevin I Òmes 2au. Borja Sabugal

Alevin II Hemnes 5au. Marc Montes

Alevin II Hemnes 2au. Anna Llinás

Alevin II Òmes 3au. Silvia Cormenzana

Alevin II Òmes 1èr. Iker Gaztaminza

Ena competicion Interclubs "II Trofeg Espot Esquí"

Infantil Ii Òmes 1èr. Javier Roquero

Infantil Ii Òmes 4au. Pau Perdices

Juvenils 2 Òmes 3au. Enric Jiménez

Juvenils 2 Hemnes 1a. Elena Pujol

Infantil I – 2au. G.P. De la Cerdanya

Slalom òmes 2au. Martin Garcia

Slalom òmes 4au. Juan del Campo.

Es aranesi guanhadors sigueren: Marc Montes, Pau Perdices,

Elena Pujol e Enric Jiménez.



Atau madeish eth dia 21, se celebrèc en Portainé eth "Gran Prèmi Pallars", damb era participacion de 85 corredors dera categoria Alevins, des quaus 21 corresponien ath CEVA, e nauament artenhèren uns plan boni resultats, aucupant un prumèr lòc e tres dusaus posicions.



Eth dia 1 de març era companhia Impromadrid presente "Chupsuey", ua òbra interpretada per sies actors e un music a on desvoloparàn er art dera improvisacion. eth public decidís sus es ahèrs a tractar.

E eth dia 5 d'abriu, Gabino Diego, mos presentarà eth sòn espectacle "Una noche con Gabino". Un monològ divertit, amen, suggerent e fòrça dinamic.

Hèsta de Magràs

En dissabte dia 17 de hereuèr, er Ajuntament de Vielha e Mijaran, celebrarà nauament era Hèsta de Carnaval, en tot

organizar un sopar

e un balh, coma ei

dejà tradicionau.

Enguan eth sopar

serà en Otèl Tuca

de Betren, tàs

22,00 or. E eth

prètz deth tiquet

serà de 34, 50 €.

En acabar de

sopar, començarà

eth balh qu'anarà

a cargue der aranés

Dj's Fabian.

Entà assitir tad

aguesta hèsta non

ei obligatòri vier

disfrassat. E era

entrada tath balh

serà gratuïta, e

dubèrta entà toti,

autant tàs que

vagen a sopar

coma entàs que

non.

Es tiquets se

veneràn per auança der 1 ath 14 de hereuèr ena oficina de

torisme de Vielha, e ei plan important comprar-les, ja qu'es

places deth sopar son limitades e non se veneràn tiquets

eth madeish dia.

Tanben eth CEIP Garona celebrarà era Hèsta de

Magràs, serà eth dia 16 ath maitin, e ena tarde, a compdar des

17,30 ores eth Palai de Gèu celebrarà era sua tradicionau Hèsta

de Magràs. Toti es que vajatz disfrassadi auratz era entrada

gratuïta entara pista de gèu.

